



Jan-Barnabèu Amy – 1881

Tèste de Frederi Mistral - Sans titre et sans date

O Tamaris
Quand ta mar ris,
Aquéu risènt fugue lou libre
De toun escolo de felibre!

* * *

Lou Mistrau canto e pico lou Martèu
E lou vièi Cast devèn jouine castèu..

* * *

Di mountagno regalado
Se jamai fas l'escalado
Béu un cop l'Angelica
Vigourous te vas lica.

Lou bon rèi Reinié brindavo
Emé noste muscadèu
E tout risoulet cantavo:
Pople, lagadigadèu!
Au muscat resten fidèu!

* * *

À Roger Brunel

Vau mai aucèu de champ qu'aucèu de gàbi:
Parlo dounc coume à toun endré
E poudras te dire à bon dre
"Cousinet de l'Aràbi."

* * *

Que vèngues de la terro
O partes pèr la guerro,
Saludo lou pourtau
Que meno à toun oustau.

* * *

Ah! quouro pourrai jaire
Au long de toun bèu cors,
Que dourmirai, pechaire,
Aqui sènso remors;
Car d'abord que t'a facho
Poulido coume siés,
Se lou bon Diéu se facho,
M'escoundrai dins toun piès.

* * *

Au pavaïoun d'amour di princesso di Baus
Qu'ai touto ma vido,
Cantado e servido
Ai pres moun repaus.

* * *

Dins Mirèio, flour de jouvènço,
Vos que te digue ço que i'a?
L'oudour de la Cigalia
Qu'es lou parfum de la Prouvènço.

* * *

Davans la mar que ris
Lou bartalai flouris
Au Souleias que l'estourris
E dintre li ciprès vai espeli Cipris.

* * *

Tant que saras urous, forço ami coumtaras;
Se lou tèms s'ensournis, tout soulet restaras.

* * *

Au lauroun
De la Grand Draio,
Que miraio
Di chatouno lou mourroun,
Quand auras begu toun proun,
Noun treboules, boujarroun,
L'aigo puro que ié raio,
Abéurant li passeroun
E lou pastre que varaio.

* * *

© CIEL d'Oc – Febrié 2012